

Na December Wendy's Restaurant na Aruba

ORANJESTAD(AAN) -- "Wendy's semper tabata mi soño", asina señor Louis Posner a duna di conoce na DIARIO durante un entrevista.

Louis Posner a enfatisa cu na December su soño lo bira realidad ora cu anuncia apertura di e restaurant Wendy's.

Recientemente a laga basha abao e edificio bieu di Shell situa ariba Boulevard, caminda Wendy's lo bay establece.

E tereno ta mas o menos 1200 meter cuadra ariba cual lo construi un "fast food restaurant" Wendy's.

Den e ultimo 10 añanan Wendy's a crece considerablemente pa su bon nomber cu ta worde reconoci mundialmente. Louis Posner ta e persona cu kier establece Wendy's na Aruba.

Muy pronto lo bin un destaho publico pa cu e construccion di e edificio cu lo bay consisti di 5 piso.

Louis Posner a duna di conoce cu Wendy's lo emplea entre 40 y 50 persona, kendenan lo mester sigui un curso.

Ademas di e edificio enorme, Wendy's lo conta cu un sistema di drive thru pa asina facilita esnan den auto cu kier soboria un cuminda di e restaurant.

Wendy's ta conoci pa su "old fashion hamburger" cu ta di

calidad halto, mientras cu pa su variedad di cuminda el a score e punto di mas halto. Wendy's ta conoci pa su saledbar, Chili

con carne.

Actualmente tin mas di 4000 restaurant Wendy's estableci rond mundo.

DIARIO. - (DIARANZON 1 JUNI 1988), P. 7

